

Dieu nous a tenu fort long-temps comme cela, de forte que nous nous en étonnions, & difions que quãd il n'y auroit plus rien dans nos facs que Dieu en feroit venir. Si quelqu'un de nous faifoit quelque mal, auffi-toft les autres luy difoient; Fay ce que tu voudras, mais il faut que les Peres fçachent tout ce que nous faisons. De faiçt quand ils furent arriuez, ils nous declarent fans le demander tout le bien & le mal qu'ils auoient fait, fe confeffans tout haut deuant que d'estre baptifez.

[48] J'ay fait mention cy-deffus des mauuais bruits & de la guerre qui retardoient le cours de l'Euangile. Monsieur nostre Gouverneur môtant aux trois Riuieres avec vne barque, & quelques chaloupes bien armées, leua ces obstacles; car encor biẽ que la contrarieté des vents, & la precipitation des Sauuages luy euffent ofté l'occasion de deffaire leurs ennemis qu'il alloit trouuer, neantmoins voyans la bõne volonté qu'un homme d'un tel merite auoit pour eux, ils se r'assemblerẽt, & tindrent plusieurs confeils entr'eux, dans lesquels ils conclurent d'embrasser la foy Chrestienne, & de s'habituer aupres des François; en effect ils firent de bonnes & longues cabanes tout aupres de nostre habitatiõ des trois Riuieres, nous dõnant vne belle occasion de les instruire. Les affaires de Dieu font tousiours contrariées, tout procedoit heureufemẽt, ils se rendoient affidus aux prieres qu'on leur faifoit faire à la Chappelle, & à l'explication du Catechisme qu'on faifoit le matin aux femmes, & le soir aux hommes. Quand la famine les contraignit d'aller chercher leur vie, qui deça, qui delà dans les riuieres & dans les bois; le retardement des vaiſſeaux fut caufe de ce mal-heur. Ce [49] nous fut vne douleur